

HO FAELA HA DITHRASTE 2025/2026

Tshwane, 11 Loetse 2025. Ditshebeletso tsa Lekgetho tsa Afrika Borwa (SARS) di hopotsa batshepuwa le setjhaba hore sehla sa ho faela sa semmuso bakeng sa dithraste se qala ho tloha ka la 20 Loetse 2025 ho isa ho la 19 Pherekgong 2026.

Dithraste tsohle di tlameha ho faela kgutliso ya lekgetho hang ka selemo, ho akareditswe le tseo e leng hore di ntse di sa sebetse ho tse mabapi le ikonomi. Thraste e akareditswe tlasa tlhaloso ena ya "motho" ho latela dintlha tsa Molao wa Lekgetho la Leken, wa nomoro ya 58 wa 1962 mme ka hona e nkuwa e le molefalekgetho. Motshepuwa ke molefalekgetho eo e leng moemedi wa thraste mme o jara boikarabelo ba ho faela boemong ba thraste kapa ho kgetha setsebi se ngodisitsweng sa lekgetho ho etsa jwalo.

Molefalekgetho wa nakwana ke motho ofe kapa ofe ya fumanang lekeno kapa eo lekeno le hlomelang ho yena, ntle le la moputso wa hae. Batshepuwa ba lokela ho ela sedi ditlhoko tse mabapi le ho nyehelwa ha dikgutliso tsa lekgetho la nakwana. Hodima moo, batshepuwa ba boela ba lokela ho fana ka kgutliso ya data ya mokga wa boraro ya IT3(t) e fanang ka lesedi la bokaalo bo tshepetsweng baunamolemo. Letsatsi la ho qetela la ho nyehelwa ha kgutliso ena ke la 30 Loetse 2025. Ho fumana lesedi le fetang lena, etela websaete ya SARS.

Batshepuwa ba tlameha ho fana ka dikgutliso tsa bona le ditokomane tsa tshehetso tseo e leng setlamo ka nako ya ho faela. Ditokomane tsena di akaretsa, sesebediswa sa thraste, diteitemente tsa selemo ka seng tsa ditjhelete, Mangolo a Bolaodi, diqeto/metsotso ya dikopano tsa batshepuwa mmoho le okanokgramo e bontshang borui ba thraste. Hodima moo, baunamolemo ba dithraste ba lokela ho tsebahatsa lekeno la bona, ho akareditswe le lekeno le tswang thrasteng, dikgutlisong tsa bona tsa lekgetho la lekeno.

SARS e nolofaleditse balefalekgetho ho ikobela ka ho tla ka ditharollo tsa ho faela tsa onlaene. Kgutliso ya Lekgetho la Leken (ITR12) le Kgutliso ya Lekgetho la Leken ya Thraste (ITR12T) di fumanaha ho eFiling. Ka nqa e nngwe, ho ka nna ha etswa kopo ya kopano mane Setsing sa Tshebeletso sa SARS websaeteng ya SARS. Ka kopo hlokomela hore ho na le ditlhoko tse itseng ebang o lakatsa ho fana ka kgutliso ya hao ya lekgetho Setsing sa Tshebeletso sa SARS. Balefalekgetho ba kgothaletswa ho ikela websaeteng ya SARS ho fumana dintlha tse ding tse mabapi le boikobelo ba bona ba lekgetho, ho akareditswe le dithraste, mmoho le Lekgetho la Nakwana.

SARS e hloka mamello ho balefalekgetho ba sa ingodisetseng makgetho a lokelang, ba sa faeleng dikgutliso tsa lekgetho, ba sa etseng ditsebahatso tse nepahetseng dikgutlisong tsa bona tsa lekgetho, kapa le ba hlolehang ho lefa dikoloto tsa bona tsa lekgetho. Ho se ikobele boitlamo bona ke tlolo ya molao mme sena se tla baka dikotlo le tswala.

Ho fumana lesedi le fetang lena, ikopanye le SARSMedia@sars.gov.za.

KE PHETHO